



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Clvgien Episcopo.

**urn:nbn:de:hbz:466:1-20006**

per violentiam expulere, res ipsorum & aliorum etiam sibi commissas exinde alportantes. Cum igitur id monasterium nostri specialiter juris existat, nos ejus oppressioni paterno compatiens affectu fraternitati vestrae per apost. scripta mandamus quatenus prenomatos Diaconum & alios tamdiu auctoritate nostra excommunicatos publice nunciatis, donec ablata conquerentibus restituant univversa, & super tantis excessibus satisfacturi, ad plenum nostro se conspectui praesentarint. Volumus etiam ut donec iidem fuerint restituti, in vicinis monasteriis eisdem faciatis in necessariis provideri. Datum Romae apud S. Petrum XIV. Kalend. Maij.

**GVIDONI FVNDATORI**

*Hospitalis sancti Spiritus, ejusque fratribus tam presentibus quam futuris regularem vitam professis in perpetuum.*

Epist. 97.  
De confirmatione & privilegii ejusdem.  
Vide supra epist. 95.

**R**eligiosam vitam eligentibus &c. usque ad verbum illud annuimus, & praefatum Hospitale S. Spiritus apud Montem Pessulanum constructum, in quo divino estis obsequio mancipati, sub beati Petri & nostra protectione suscipimus, & praesentis scripti privilegio communimus. In primis siquidem statuente ut fratres inibi commorantes secundum rationabiles institutiones tuas perpetuo Domino debeant famulari. Praeterea quascunque possessiones &c. usque ad verbum vocabulis. Locum ipsum in quo praefatum Hospitale situm est, cum omnibus pertinentiis suis, domos, vineas, terras, hortos, & omnia quae in territorio Montis Pessulani & in locis circum adjacentibus possideris. Domum quam habetis in Massilia, cum omnibus pertinentiis. Domum quam habetis in villa quae dicitur Amillau, cum omnibus pertinentiis suis. Domum quam habetis in loco qui dicitur Clap de mala vetula, cum omnibus pertinentiis suis. Domum quam habetis in villa quae dicitur Mesols, cum omnibus pertinentiis suis. Domum quam habetis in burgo sancti Iuliani de Bridi, cum omnibus pertinentiis suis. Domum quam habetis in villa quae dicitur Bragaac, cum omnibus pertinentiis suis. Domum quam habetis in argenteria de Chacers, cum omnibus pertinentiis suis. Domum quam habetis in civitate Trecen, cum omnibus pertinentiis suis, & domum quam habetis in ur-

be Roma juxta S. Mariam Transtiberim, cum domo quae est in loco qui dicitur S. Agatha in introitu urbis Romae, cum omnibus pertinentiis suis. Statuentes ut omnes domos, quas in praesentiarum juste habetis, vel in posterum rationabiliter poteritis adipisci, praedicto Hospitali S. Spiritus Montis Pessulani, & procuratores earum tibi fili G. & successoribus tuis perpetuo subiacere debeant & humiliter obedire, & correctionem tuam & successorum tuorum recipere humiliter & servare. Liceat insuper vobis in domibus vestris, sine praedictio vicinarum Ecclesiarum, cum consensu dioecesani Episcopi construere coemeteria ad opus fratrum vestrorum & familiae tantum, & oratoria fabricare: in quibus ad praesentationem vestram instituantur per dioecesanum Episcopum capellani, & amoveantur per eum cum deliquerint, vel aliter etiam corrigantur. Liceat quoque vobis liberas & absolutas personas e seculo fugientes &c. Prohibemus insuper ut nulli fratrum vestrorum, post factam in loco vestro professionem, fas sit absque procuratoris sui licentia &c. Chrisma vero & oleum sanctum &c. per dioecesanum Episcopum sine pravitare & exactione aliqua vobis praecipimus exhiberi. Obeunte vero te nunc ejusdem loci magistro &c. Decernimus ergo &c. Salva sedis apostolicae auctoritate, & dioecesani Episcopi canonica justitia. Si qua igitur in futurum ecclesiastica &c. Cunctis autem &c. Datum Romae apud S. Petrum per manum Rainaldi Domini Papae Notarii, Cancellarii vicem agentis, IX. Kalend. Maij, indictione prima, incarnationis Dominicae anno M. C. XCVIII. Pontificatus vero Domini Innocentij Papae III. anno I.

**\* CLVGIEN EPISCOPO.**

**C**VM M. Ferrarien. Canonicus, F. W. B. & G. Canonicorum Ferrarien. & magister G. Ferrarien. Capituli procuratores ad sedem apostolicam accessissent super quaestione quam de praebendis & redditibus habebant ad invicem, dilectum filium nostrum S. Mariae in Cosmedin Diaconum Cardin. eis concessimus auditorem: coram quo dictus M. pro se & quatuor sociis suis proposuit quoddam Ferrarien. Canonici, ut eo amplius suos redditus augmentarent,

G iij

*\*In tertia Collectione Flugiensi. Epist. 98.*

*Ve ultra antiquum numerum receptis Canonicis Ferrariensibus faciat provideri de ex crescentibus fructibus.*

*Cap. Cum M. Ferrarien. De Constitutionibus.*

quo proventus Ferrarien. Ecclesie, qui dividi consueverant inter plures, in usus cederent pauciorum, quatuordecim prae-bendas tantum, praeter id quod mensa commuiter deputarunt, in eadem Ecclesia contra antiquam consuetudinem statuere. postmodum vero contra constitutionem ipsam voluntarie venientes, dictos quinque in Canonicos recipere, nullis praebendis assignatis eisdem. & licet eorum redditus non modicum fuerint augmentati, nondum tamen eis voluere ex superexcrecentibus redditibus providere. Verum dictus magister \* G. procurator partis adversae asseruit quod olim de communi tam Canonicorum quam tunc Ferrarien. Episcopi voluntate quatuordecim praebendarum numerus in Ferrarien. Ecclesia provida fuerat deliberatione statutus, & apostolicae protectionis praesidio roboratus. Tandem vero cum una in eadem Ecclesia praebenda vacasset, ad multam quorundam instantiam duos ad eam, ac postmodum ad preces venerabilis fratris nostri V. Ferrarien. Episcopi dictum M. & quendam alium sine praedicta constitutionis in Canonicos recipere; ita quod ipsi de canonica nihil perciperent, donec primi duo praebendas essent integre assecuti. Cumque per Canonicorum industriam procuratum fuerit ut ex possessionibus, quas eadem Ecclesia tempore longo possedit, plures eis redditus solverentur, superexcrecentes redditus communi mensa, qua minus sufficiens fuerat, communiter deputare. quod dicti quinque postmodum petiere contra Capituli constitutionem in beneficium assignari. Quia vero super his plena nobis, sicut idem Cardin. asseruit, exhiberi non poterat certitudo, causam ipsam tuo duximus examini committendam; mandantes quatenus cum in constitutione praedicta & confirmatione sedis apost. vel fuerit vel esse debuerit (sicut consuevit) expressum, nisi in tantum excrecent Ecclesiae facultates quod pluribus possint sufficere competenter; & cum iidem Canonici in derogationem suae constitutionis ad vacaturas praebendas quatuor receperint ultra numerum constitutum ab antiquis Canonicis praebendas cum integritate percipientibus consuetas, superexcrecentes redditus praedictis Canonicis appellatione remota facias assignari: ita tamen quod si ex

\* In tertia Collecta legitur: Verum dictus magister G. ex adverso proposuit quod.

eis pares cum aliis potuerint sortiri praebendas, quod superfuerit in communes Canonicorum usus, sive ut prius statuerant, sive aliter, prout melius videbitur, convertatur. revocatis in irritum omnibus quaecunque ab alterutra partium in praedictum alterius post mortem quaestionem coram Episcopo Ferrarien. circa praebendas vel possessiones fuerint innovata. Nullis literis obstantibus praeter assensum partium &c. Datum Romae apud S. Petrum XII. Kalend. Maij.

ILLVSTRI REGI  
Portugaliae.

Serenitatem regiam volumus non latere nos in regeſtis bonae memoriae Lucij II. Rom. Pontificis reperisse quod recolenda mem. Alphonsus pater tuus quatuor auri uncias annuatim Romanae Ecclesiae constituit censuales, ad quarum solutionem se & heredes suos in posterum obligavit. Ceterum cum idem pater tuus usque ad tempora felicitis memoriae Alexandri Papae praedecessoris nostri Ducis esset nomine appellatus, ab eodem meruit obtinere ut tam ipse quam ejus heredes regio nomine vocarentur. Ut autem idem pater tuus sacrosanctam Rom. Ecclesiam marrem suam honore debito praeveneret, & ut devotionem, quam circa ipsam habebat, ostenderet in effectu, centum Bizantios annuatim Romanae Ecclesiae constituit censuales: quos post susceptionem regij nominis nec ipse solvit, nec tu postmodum solvere curavisti. Cumque id felicitis recordationis Celestino Papae praedecessori nostro relatum fuisset, magistro Michaëli tunc Ecclesiae Rom. Notario, quem ad partes Hispaniae destinaverat, per suas dedit literas in mandatis, ut te ad exolvendum censum annum monere diligentius & inducere procuraret, & si opus esset, auctoritate fretus apostolica compellere non differret. Tu autem eidem, prout tibi placuit, respondisti quod dictus pater tuus praefato Alexandro antecessori nostro pro annuali censu decem annorum mille aureos miserat; & cum nondum illi decem anni essent expleti, ipsos centum aureos iterum solvere minimè tenebaris, licet illos eidem praedecessori nostro non pro censu, sed ex devotione, quam ad eum habebat, liberaliter donavisset. Rogamus igitur regiam serenitatem, mone-

Epist. 99.  
Vt centum Bizantios & quatuor uncias auri Romanae Ecclesiae debitas persolvat.  
Vide i. fr. lib. 14. epist. 39. lib. 15. epist. 24. 6.  
Baronius ad an. 1179. 24.